



آبونه شرائطی : هر بر ایچون
سنه لکی (۴۰۰) آلتی ایلفی
(۲۲۵) ممالک اجنبیه ایچون
سنه لکی (۴۵۰) ، آلتی آیلفی
(۲۵۰) غروشد.

نسخه سی ۷,۵ غروشد.
سنه لکی ۵۲ عدددر .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیر اعاده اولنماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

آدره من تبدیلنده ایریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندردیکی زمان نه به
دائر اولدینی بیلدیرلسی
رجا اولنور

اتبعون اهدکم سبیل الرشاد

خیردن باشقا مقصد اولامایاجنی ایچین بومقصدله وجوده کلن تاسیساتی حسن تلقی ایتدی و مکتبی دارالفنون نامنه تبریک و تقدیر ایتدی .
بوندن سوکرا آمریقادن صورت مخصوصده کوندریلش و اون برکونده استانبوله کلش اولان مستر میداورهل ، سوکرا آمریقا میلیونلرندن اولوب بومکتبه چوق یاردیم ایدن مستر جورج پیلیمتون سوز سوله دی و مکتبک آناختارلینی تمثیلاً بربرینه قوردله لرله باغلی ، بزم اسکی قلعه آناختارلینه بکیزمه اوج اسکی بویوک قابی آناختارینی قولله زک یکی مدیره سنه ویردی .
میس قاترین آده مس ده اوزون برنطق سوله دی . تورکیادن مستقبده ده معاونت بکله یوردی . بویوک سالون دعوتلیرله دولو ایدی ، آزالنده شکری نائی پاشا ، آقچورا اوغلی یوسف و یعقوب قدری بکله احمد امین بک ، غزته مرکز مدیری ، اسکی مأذونه لر وازجه ملاحت ضیا خانم واردی . دعوتلیرلر اسمدن سوکرا لیونا طهرله اعزاز ایدیلدی . »

حضرت ابراهیمک تورکلیکی

« آماسیه تاریخی محرری ، عنوانیه کندیسی شهرتشار ایتمهک چالیشان و آز چوق موفق ده اولان حسام الدین افندی ، برقاج سنه اول ، تورکلردن ده برچوق پیغمبرلر کلش اولدینی دعواسنی اورتایه آتمش و برقاج دانه سنک اسملرندن بزی خبردار ایتیش ایدی . شمدی ده ، اسماعیل حق امضاسنی طاشیان برذاتک ، « توحید افکار » غزته سنده بودعوای نجید و استیناف ایتیش اولدینغی کوریورز . آره لرنده شو فرق وارکه ، حسام الدین افندینک صایدینی پیغمبر اسملری کیم بیلیر تاریخک هانکی مجهول صحیفه لرندن چکوب چیقاردینی ناشنیده اسملردن عبارت ایدی . اسماعیل حق امضالی ذات ایسه ، دعوای طوغریدن طوغری یه لسان قرآنه نبوتی اخبار بیوریلان حضرت ابراهیم علیه السلامه استناد ایتدیریور . بوکی دعوالر ، واقع بر استبعاد و یا خود مستولی بر مایوسیتی ازاله ایتمهک ایچون درمیان اولنور . تورکلردن ده پیغمبر کله بیله جکفی استبعاد ایدن کیمسه یوق ایدی . بو ، هر زمان ممکندر . یالکیز تورکلردن دکل ، هر قومندن ده پیغمبر کله بیلیر . پیغمبرلکک معین بر قوم و عرقه مخصوص اولماسی شرط دکلدر . هر پیغمبرک عرقیت و قومیتنی علماً اثبات ایتمهک ده ، محال دکله ، مشکلدیر . چونکه هر پیغمبر زماننده ، معین و مختلف عرقلره آیریله جق درجه ده ، نسل بشر توسع و تکثیر ایتمهش ایدی .

تورکلردن پیغمبر کلوب کله ذیکی معلوم اولمادیقندن طولای ، درونی بر مایوسیت طویان ده یوق ایدی . آنک ایچون ، مایوس قلبلری مسرور و متسل ایتمهک معطوف بر مقصد ایله بویله بردعوانک اورتایه آتیلما سنده حاجت یوق ایدی . عرقیت و قومیت نامنه بروسیله تفاخر و مباهاات احضار ایتمهک مقصدی ده بویله بردعوا احداثه سائق اوله جق درجه ده جاذب دکلدر .

تفاخر و مباهاات ، انسانلره ، مادی ، معنوی هیچ بر فائده تأمین ایتمز .

تفاخرده ، یالکیز حسیاتی او قشامق خاصه سی واردر . بوده ، دائمی دکلدر ، کلوب کچیجیدر . حسی او قشایان تفاخر و مباهاات بر قیمتی حائر ایسه ، اوقیمتی اوکا ویرن فضیلتدر . فضیلت ده ذاتی و کسبی اولمالیدر . بشقه سنک فضیلتی کیمسه یه مدار مفخرت اوله منز . فردلرده ، فردلردن متشکل هیئت اجتماعی لرده ، انجق کندی فضیلت فردیه و اجتماعی لریله افتخاره حق قازانه بیلیرلر . عرقیت و قومیت انسانلره حق افتخار ویردک بر فضیلت دکلدر . فضیلت ، عرقلرک ، قوملرک حائر اولدقلری فضائل عالیه و خصائص نافعه در . تورکر فردی و اجتماعی فضائل عالیه و خصائص نافعه یی جامع بر عرق و بر قوم ایسه لر ، حضرت ابراهیمک تورکلیکله افتخارلری لزوم سزدر . بالعکس ، فردی و اجتماعی خصائل عالیه و خصائص نافعه یی حامل دکلر سه ، نبی مشارالیه حضرتلرینک تورکلیکله افتخار ایتمهک ، اولنره بر فائده تأمین ایتمز . آنک ایچون اسلامیت ، افضلیتی ، اکریمیتی فردی و اجتماعی فضیلتلره حصر ایتمشدر . نظر اسلامده ، عرقیت و قومیتده و فضیلت و اکریمیت یوقدر . عرب عرق و قومی دخی ، کندیسه منسوب بولنان حضرت محمد علیه السلام ایله - عرقیت و قومیت نقطه نظرندن - افتخاره حق یوقدر .

بو دعوای درمیان ایتمهکدن مقصد ، تورکرلرک حرمت و محبتلرینی ، حضرت ابراهیمه جلب ایتمهک ایسه ، مسلمان تورکر هر پیغمبر کی ، نبی مشارالیه حضرتلرینه دخی - حسب الدیانه - حرمتکار و محبدرلر . پیغمبرلره حرمت و محبت جلب ایتمهک خصوصنده ، عرقیت و قومیت دیانت قادار حائر تأثیر دکلدر . اکر عرقیت و قومیت پیغمبرلره جلب حرمت و محبت خصوصنده حائر تأثیر اولسه ایدی ، تورکرلرک ، عرب قومه منسوب بولنان حضرت محمد علیه السلامه حرمت و محبت ایتمه لری لازم کلیردی . حالبوکه تورکرلر حضرت محمد علیه السلامه ، عربلردن ده ازیاده حرمتکار ودها زیاده محبتکار درلر .

حضرت ابراهیم علیه السلامک ، عرقیت و قومیت نقطه نظرندن تورکرلره حق افتخار بخش ایده جکفی قبول ایتسه ک بیله ، نبی مشارالیه حضرتلرینک تورک عرقه منسوبیتنی علماً و تاریخاً اثبات ایتمهک مشکلات ایله مالا مالدر . بودعوای اثبات و تأیید صد دنده سرد و بیان اولنان دلیلر خیالیدر . هیچ بر زمان هیچ بر کیمسه یه قناعت بخش اوله منز . مثلاً : قرآن الهی ده ، (ابراهیم علیه السلام نه یهودی ، نه نصرانی دکلدر) مال عالینده بر آیت الهیه واردر . اسماعیل حق امضالی ذات کیم ایسه ، بو آیت الهیه یی حضرت ابراهیمک تورک عرقه منسوب اولدینغه دلیل و حجت اتخاذا ایدبیور . و کفیت استدلالی توضیح صد دنده دییورکه : (حضرت ابراهیم نه یهودی ، نه نصرانی دکلدر دیمک ، نبی مشارالیه حضرتلری عرق نقطه نظرندن یهودی و نصرانی دکلدر دیمکدر . بو طرز تفسیرمک طوغریلقنه قانع اوله مدینم ایچون ، تفسیر قرآنده صاحب صلاحیت برذاته صودرم ، اوده بزم طرز تفسیری تأیید و تاسکید ایتدی . »

حریت نسوان

قادیئرزك تحصيل و مسلك ساعزلنده ارککلرله رقابتلری

دون طب فاکولته سی مدرسلرندن آصف درویش پاشا طرفندن دارالفنون قونفرانس سالوننده « قادیئرزك حفظالصحه سی و حریت نسوان » حقنده بر قونفرانس ویریلدیکنی یومی غزته لر یازمشدر . مدرس پاشا قیز چوجقارینک طفولیت دور، سنده کیمک خسته لقارینه استعدادلری اولدیغنی و دوغوش اعتباریه ارککلردن دها کوچوک اولدقارینی سوبله مش و بویاشده کی چوجوقلرک اهاملی یوزندن بالنتیجه قادیئلریزم ده دوغورمه قابلیت و مقاومتنک آزالقده اولدیغنی ایضاح ایتمشدر .

درویش پاشا، علی العموم چوجوقلرک آنجاق یدی باشندن صوکره مکتبه کوندریلمه لرینه طرفدار اولدیغنی سوبله مشدر . بالخاصه ۱۲-۱۳ یاشنده کی قیزلرک بوسنه لرده بلوغ حادثه لرینه معروض قاله جقلری جهته یومیه درت ساعتدن فضله درس کورمه ملرینی وابوینک بودوره ده چوق متیقظ بولونملری لازم کلدیکنی آکلاتمشدر .

مدرس پاشا بوندن صوکره حریت نسوان بحثنه کچمشدر . ۱۷-۱۸ یاشنه کلن خانلرک عالی تحصیل کورمه لری ایچون لازم کلن شرطلری ذکر ایتش و شونلری سوبله مشدر :

« — بر قادیئزك حر اوله رق حیاتی قازانمسی ثروتلری مساعد اولانلرله اولمایانلرله کوره دکیشر . قادیئرزك هبسی عالم اولورسه اوه کیم باقه حق ؟ بونک ایچون اولنه جکلرله عالی تحصیل کورمه جکلر آیریلایدیر .

• اولنه جکلرله اولمش اولانلرک و بونلردن بالخاصه زنکین اولانلرک عالی تحصیل کورمه لری موافق دکلدیر . چونکه بونلردن بکلنیلن وظیفه دها عالیدیر . هیچ اولنیه جکلرک تحصیلی ایسه تدریسات اعتباریه یاشلرینه کوره فاصله لی اولمایدیر . زیرا قادیئرزك ارککلرله نظراً معروض قالدقاری فیزیولوژی حاللر دها مزعجدر .

برده قادیئرزك ارککلرله کرک تحصیل و کرک مسلك ساحه سنده رقابت ایتملری جائز دکلدیر . هر مسلكک خیف اولانلرینی اختیار ایتملری حفظالصحه اعتباریه الزمدر . عینی زمانده بوخصوصده قادیئزك هیچ برزمان اوصاف روحیه و وظائف طبیعیه سندن اوزاقلاشمه ملیدیر . عمله حیاتنده قادیئزك دها باشقه شرائطه تابمدر . بونلری حکومته صیانت ایتملیدیر . خسته لق ، لحوسه سیغورطه لری یالمالیدیر .

بو اساسلر خارجنده قادیئزك هر صورتله سقوطه محکومدر ، بونک نتیجه سی تنافس نفوسدر . آلمانیا ، ایتالیا کی مملکتلرک قادیئزك حفظالصحه سنده رعایتلری حسیله نفوسلری هرسته مدمش صورتده تزايد ایتکده در . »

مدرس پاشا قادیئزك خسته لقاری حقنده ایضاحات ویردکن صوکره قونفرانسه نهایت ویرمشدر .

اول امرده شوراسنی سوبله میم که رأینه مراجعت اولنان ذاتده ، مراجعت ایدن ذات کی ، تفسیر قرآنده صاحب صلاحیت دکلش . بشرتی عرقلره آیران علم تاریخدر . قرآن بشریتک شعب و قبائلله ، عرقت و قومیتله علاقه دار اولماز . هیچ بریغمبرک عرقت و قومیتنی تدقیق و ایضاح ایتمز . قرآنک پیغمبرلردن و پیغمبرلرک قوملردن بحث ایدیشی ، هپ دیانت نقطه نظرنددر . حضرت ابراهیمک عرق نقطه نظرندن یهودی و یاخود نصرانی اولوب اولمادیغنی تدقیق و بیان ایتک قرآنک غایه سی خارجنده در . هم یهودی و نصرانی عنوانلری ، عرقلری دکل ، دینلری تمثیل ایدن عنوانلردر . الیوم اوروپا ، آسیا ، آمریکا اقوامنک برچوقلری نصرانیدر . فقط بونلرک هبسی برهرقه منسوب دکلدیر . مثلاً ، انگلیزلرده ، آلمانلرده نصرانیدر . فقط عرقلری بشقه بشقه در . جرمانلرایله اسلاولری نصرانی عد ایده بیلیرز ، فقط برهرقه منسوبدرلر دییه میز . دیرسه ک ، وقوعات و تاریخ بزی در حال تکذیب ایدر . قرآنک غایه سندن باشقه ، وقوآه ، تاریخه مخالف اوله رق ، یهودیت و نصرانیت کله لرینی عرقت و قومیت ایله تفسیر ایتک بک کولونج اولور .

قبول ایدلم که ، بوکله لرله عرقت و قومیت معنالننده مستعملدر ؛ فقط حضرت ابراهیمک ، یهودی و نصرانی عرقه منسوب اولمامه سندن تورک عرقه منسوب اولدیغنی استدلال ایتک استدالات علمیه میاننده نمونه سز برطرز استدلالدر . عرقت و قومیت یهودیلکه ، نصرانیلکه ، تورکلکه منحصر دکلدیر که یهودیت و نصرانیلک ساب ایدیلنجه اورتاده بالکیز تورکلک قالسین .

تورکلکه مادی و معنوی هیچ بر فائده سی اولمایان بودعوانی اورتایه آتمق مسلمانلر آره سنده یکی بر سبب اختلاف احداث ایتک تهلیکه سی حائزدر . مسلمانلر مخلف عرقلره منسوبدر . عرقلری هر قی پیغمبرلرایله شرفلندیرمک حسلری او یانیرسه ، بشقه بشقه عرقلره منسوب اولان مسلمانلر کندی عرقلرینی شرفلندیرمک آرزوسیه کندی عرقلرینه منسوب بر پیغمبر بولمایه قالفیشیرلر و اسماعیل حتی امضالی ذاتک بولدیغنی دلیللرکی دلیللر تدارک ایتک خصوصنده مشکلاته دوچار اولمازلر . فردی و خصوصی برحاله او یانان بوکی حسلر بالآخره توسع ایدره ک اجتماعی و عمومی بر جریان حالی آلیر . بوجریان ، اوکنه آلدینی مسلمانلری سوروکله یه ، سوروکله یه بنی اسرائیل زمانلرنده کی دینلر ایله متدین اولمایه کوتورور . چونکه ، عرقره منسوب بر پیغمبر و بویغمبرکده بر دینی وار ایکن ، بز، نیچون بشقه عرقه منسوب بشقه بر پیغمبرک دینی ایله متدین اوله لم ، دییه جک عرقت غیر تکشلی ظهور ایدر . بو غیر تکشلیکده ، اقوام اسلامیه آره سنده ، یکی اختلافلر ، یکی تفرقلر حصسوله کتیریر . بو نتیجه دن ده تورکلک متضرر اولور . تورکلکه قاش یا پالم دیرکن ، کوزینی چیقارمایه لم .